

Dictada occitana del país d'ORLHAC

« Lo Fau »

D'après un tèxt d'Ivèta Balard, **Arbres en çò nòstre** (p.29-31, Lo Grelh Roergàs, 2017)

Aurillac - *Orlhac*, Mur de Barrez – *Lo Mur*, Montsalvy - *Montsalvi*, Pléaux - *Pleus*,
Saint-Cernin – *Sant Sernin*, La Roquebrou – *La Ròca Bro*, Vic/Cère – *Vic en Carladés*

(...) Es de fau aquel burèu. Lo fau ! Òste magestuós de las nòstras selvas. Amb los autres, roves e garrics, amb los beces, lo fau es l'arbre que se trapa lo mai per las nòstras montanhòtas de Leveson o d'Aubrac.

Dins una fajada, tot es linde, las èrbas i pòdon pas butar aisidament.* Los rais del solelh i son tamisats, aital se sèrva una ombra espessa, de la prima a la davalada. Aquí, dins aquel ambient, lo temps s'apasima, los bruches s'ensordisson... Las cambas argentadas, longas e primas, se tiban cap al cèl de la vouta folhuda e fosca coma s'ennaussan las colomnas d'una catedrala vertadièira. Airal magic, enfachinaire, convit al reculhiment e a la meditacion.**

A l'arbre li cal una atmosfèra umida, de nèblas e de tubas. Las calorassas li agradan pas tròp. E mai crente pas la nèu ni mai lo freg de l'ivèrn, las geladas tardivas de la prima li pòdon rabastinar las fuèlhas tendrinèlas. Es pasmens un arbre rustic e vigorós. Se contenta de pauc, en harmonia amb lo mond de païsans que visquèron sus aquelas crincas, durs al trabalh, abalits amb d'òli d'endura.*** (...)

* Fin de la dictada dels debutants (53 mots).

** Fin de la dictada dels mejans (116 mots).

*** Fin de la dictada dels confirmats (188 mots).